

PEMBERITAHUAN PERTANYAAN BAGI JAWAB LISAN
DEWAN RAKYAT MALAYSIA

PERTANYAAN : **JAWAB LISAN**

DARIPADA : **DATUK IR. DR. WEE KA SIONG**
[AYER HITAM]

TARIKH : **19 JUN 2014**

SOALAN : **Datuk Ir. Dr. Wee Ka Siong [Ayer Hitam]**
minta **MENTERI LUAR NEGERI**
menyatakan hasil kejayaan lawatan YAB
Perdana Menteri ke Negeri China pada
penghujung Mei 2014 sempena Ulangtahun
ke-40 menjalinkan Hubungan Diplomatik.

JAWAPAN

Tuan Yang di-Pertua,

Terima kasih kepada Yang Berhormat Datuk Ir. Dr. Wee Ka Siong di atas soalan yang diajukan.

2. Sepertimana Dewan yang Mulia ini sedia maklum, YAB Perdana Menteri telah mengadakan lawatan rasmi ke Republik Rakyat China (China) dari 27 Mei hingga 1 Jun 2014. Ini merupakan lawatan rasmi kedua Yang Amat Berhormat ke RRC semenjak menjadi Perdana Menteri pada tahun 2009. Semasa lawatan tersebut, YAB Perdana Menteri telah melawat bandar Xi'an yang terletak di wilayah Shaanxi dan juga Beijing.

3. Sepanjang lawatan rasmi YAB Perdana Menteri, sambutan meriah dan juga penuh kehormat telah diberikan oleh pihak tuan rumah. Delegasi Malaysia yang diketuai YAB Perdana Menteri diberi penghormatan untuk bertemu dengan 3 pemimpin tertinggi China iaitu Presiden, Perdana Menteri dan juga Pengerusi *National People's Congress*.

4. Secara keseluruhannya, lawatan rasmi YAB Perdana Menteri telah berjaya meningkatkan hubungan dua hala Malaysia dan China. Perbincangan-perbincangan yang diadakan adalah amat produktif di mana YAB Perdana Menteri dan pemimpin-pemimpin China telah mencapai kata sepakat dalam banyak perkara yang dibincangkan. Lawatan rasmi YAB Perdana Menteri ini telah berjaya memantapkan lagi hubungan persahabatan antara pucuk kepimpinan Malaysia dengan

pucuk kepimpinan China, khususnya lawatan ini diadakan sempena sambutan ulang tahun ke-40 penubuhan hubungan diplomatik antara Malaysia dan China.

5. Kedua-dua Perdana Menteri telah menandatangani *Joint Communiqué* dimana kedua-dua pihak bersetuju bagi meluaskan kerjasama sedia ada antara Malaysia dan China dan meneroka peluang-peluang baru di masa-masa akan datang.

Sekian, terima kasih.